

# Gaoioiga 3. O le malumalu

Faitau le 2 Nifae 5:16 ma vaai po o a mea ua e aoaoina e uiga i le malumalu o sa Nifae.

- Aisea e te manatu ai na faia e Nifae ma lona nuu ni taumafaiga maoae e fausia le malumalu?
- Aisea e te manatu ai ua poloaiina ma faaauau pea e le Alii ona fetalai atu i Lona nuu e ositaulaga e fausia malumalu?

Sa saunoa Peresitene Russell M. Nelson i mea nei e uiga i le faamoemoega ma faamanuiaga o malumalu. Atonu e te manao e matamata le vitio “O Le Malumalu ma Lou Faavae Faaleagaga” mai le faailotaimi 4:27 i le 5:55 pe faitau le faamatalaga leni:



O le malumalu o le totonugalemu lea o le faamalosia o lo tatou faatuatua ma le malosiaga faaleagaga ona o le Faola ma Lana aoaoga faavae o le taulaiga autu lea o le malumalu. O mea uma o loo aoaoina i totonu o le malumalu, e ala i aoaoga ma e ala i le Agaga, e faateleina ai lo tatou malamalama ia Iesu Keriso. O ana sauniga taua e fusia ai i tatou ia te la e ala i feagaiga paia o le perisitua. Ma, a tatou tausia a tatou feagaiga, Na te faaee mai ia i tatou Lona mana faamalolo ma faamalosiau. Ma ioe, oka so tatou manaomiaina o Lona mana i aso o i luma atu.

Ua folafola mai ia i tatou e faapea “afai ua [tatou] saunia o le a [tatou] lē matata’u.” O leni faamautinoaga ua i ai ni taunuuga loloto i aso nei. Ua tautino mai e le Alii e faapea e ui i luitau faigata tele o nei aso, ae o i latou o ē atiae o latou faavae i luga o Iesu Keriso, ma aoao i le auala e utuvai ai mai Lona mana, e lē manaomia ona lolo atu i lagona popolevale o leni vaitau. (Russell M. Nelson, “O Le Malumalu ma Lou Faavae Faaleagaga,” *Liahona*, Nov. 2021, 93, 94)

- O le a se mea ua faagaectia ai oe mai le saunoaga a Peresitene Nelson?
- E faapefea e le auai i le malumalu ona fesoasoani ia te oe e fausia lelei ai lou faavae ia Iesu Keriso? E mafai ona e faasoia atu se aafiaga pe afai e mafai ona e manatuaina se tasi.
- Na faapefea ona aumaia e le malumalu le fiafia sili atu ia te oe po o se tasi e te iloina?

